

安圖縣志

安圖縣志序

戊辰年春余自中州歸奉令承宰之任先防在藩不翼將近一載安良除暴地方尚安謐之餘暇
邀地方紳耆談及安圖縣志一節始知前任陳公運山於十六年春奉省令纂修縣志設縣志編輯館
聘孔君鼎源爲其成劉君三堂長編輯並諸碩學宿儒及各機關首領分任採訪迄今兩更寒暑而感
事想陳公運山然數經年方期有始有終以觀其功不料事與願違於今春調升他缺余本庸愚陋而
茲因思縣志有志如國史有年誌非卑卑可成也所幸與事諸君學識宏富採訪周詳舉凡山川勝跡歷代沿革
以及人文進化各種出產無不一一備載是諸君之辛苦堪嘉而陳公運山之大功告竣余乃得觀厥
成不可謂非幸事也但安圖地處邊陲與朝鮮爲鄰山深林密幅員千餘里圖們江畔警耗頻傳掌中
珠凡上外人之垂涎已久深望治安安父老振刷精神興學立校培養人材講求林政開採礦區以
濟利他日之秉政者有所考察輔治發揚將不亞於內地既富且庶彼生觀頌之心者將必歛跡而
不以犯是余所尤爲欣幸禱祝者也是爲序

安圖縣志序

縣之有志猶國之有史也蓋以志書關於政治者大矣無志書則無以知山川疆域之要塞歷代制置之沿革與夫人民戶口之盛衰而欲政治修明百業進展何可得哉夷考禹貢九篇辨方經野賦土分疆永垂後世志乘雖矢漢唐之際輿書記載新翔典重肅何人闕先收秦代圖書古甫登朝首序郡縣志緒自晉以達有清體制益崇觀星編察地理舉一方人文風物禮樂制度綜識而經緯之上稱史冊所不及下繫里閭之誼思佐政輔治厥功尚焉安圖本古邊塞之區襟山帶水自前清宣統元年設治以來人材奮爭豐功偉業雖不如內地之繁盛要之百凡政舉漸次豐隆誠有可觀是豈然而曰上不能以道里計也

余

從事陳公職長科務對於地方庶政建樹毫無適逢縣志告成援筆為序以誌盛舉

安圖縣志序

安圖處松花江畔長白山陰森林擲比幅員千里與朝鮮隔江為鄰誠奉省東北之門戶焉設治抵今將逾二十稔新紀元十有七年春余隨縣長陳公來此長二科事間常覽縣志編輯館披覽所纂之稿知已藏事因思禹貢之列物產周官之列職方與今之縣志無以異焉故古之時雖往而古之事仍存觀其事如臨其時今之縣志他日國史採為輿錄千百年後存焉不泯則後之視今亦猶今之視古也況安圖出產豐富吉訥鐵路告成距城邑僅二百餘里較往日之交通甚稱便利使今後真有地方之責者力加整頓其進步何可量哉余本無才並不能文惟念服務斯邦將及一載逢此勝舉因勉之序

安圖縣公署第二科科长臨溟田乃義謹識

安圖縣志序

四

安圖自開闢以來迄今纔二十年且其間風俗禮教與設治之沿革情形茫目僅載諸志以昭示將來
惟開化最晚文風不振既無志書可考又乏採訪之贊助乎兩孫祿夢雲十三疑矣然縣之有志越國
之有史若不及時纂修則所有山川名勝古蹟物產不但國人不得而知即本縣之人亦將指顧茫然
倉桑莫辨終屬一缺事也民國十五年入春余分編修縣志即當此一事也竊從事編輯延擢半載未
及着手乃因事他適又委
鈺堂 承乏其後於十六年四月開館正庫吳學無識難任鉅艱幸有孔君淵
粵容食斯邑轉請代為秉筆數月間而志書告成總覽斯志破門六款目七十四鉅細俱載備極周詳
誠足補余之不逮也竊欲茲衆梓往來者可以展卷即得不患無足徵矣此值全圖校書故略贅數
語以誌編輯之原委云爾

安圖縣志序

安圖居奉省之東陲當日韓之要衝以國界交涉而論未有岌岌如此者也况又加以匪患因之以饑饉築城修道捍災禦患種種新政百廢待舉官斯土者即朝夕警惕猶恐治理之難固至蒐集輶聞圖繪山川已屬不遑暇及蓋縣志之失修也久矣迨陳公運山來宰斯邑以為縣志係國家之要政又為當今之急務遂於百忙中召集地方士紳倡議修志甚盛舉也正任籌辦之際而省署又有修志之令爰設縣志編輯館即聘邑人邢欽劉董其事未幾因事他就又聘劉君鈺堂長編輯而劉君以公務繁冗兼顧不暇轉委 廣東 以分其勞余自愧學陋不文况又荒廢日久豈敢率爾操觚以悞要公乃百辭不獲祇得勉強就事夫斯邑幅員遼濶山林叢雜曷地調查然費時日統計期限竟逾年餘其間籌款之艱用人之難尤非片言所可盡者非敢故意玩延虛耗公款也旋於十七年四月蒐集採訪遺稿從事編輯而陳公運山即解篆赴省繼斯任者為陳公宇清至即銳意提倡不遺餘力乃獲事觀厥成焉今斯編付梓有曰謹將創辦種種情形略陳數語於卷首庶後之覽者皆知修志之艱末至其中望漏謬誤之處知所不免深望博雅君子急起而改纂之則不第 廣東 一人之幸亦安圖一邑之幸也

中華民國十七年十二月

山東牟平孔廣泉謹識

孔子作春秋志列國之事也孟子著七篇志戰國之事也歷史四千餘年於國家之興衰得失官僚之賢愚臧否或褒之或貶之必大書而特書稔知國史之著載為治國之憲章大法也明矣縣志猶國史也積縣而為省積省而為國而為天下縣志之著述雖狹要不離國史之體制十室之邑必有忠信三人同行必有我師倘縣志不刊撮其要而摭其精萬一備史家之採擇不亦我縣人士之榮光歟安國處華省之東陲界與日轉接壤南跨白山之脈東連老嶺諸峯羣山聳秀地設屏藩江水環城天然險塹人情敦樸依然太古高風物產豐饒宛似桃源異境即今時閉塞為邊遠荒之區而嗣後開通則

藩圍繁盛之地也祇以設治未久教育初興文獻固不足徵縣志尚付闕如此固地方官長之責亦邦人士之所深虞焉適省憲有飭編縣志之令邑令陳公運山召集紳耆共廣善舉爰設縣志編輯館委

劉君鈺堂為館長孔君淵溥總其大成金君一峯紀君樹藩張君子而康君祝三均任採訪復不棄謝

陋委

文源

協助編修夫志者彙纂之所在非學識兼優者不能為

文源

少學無成風塵碌碌已十餘

年况安國開闢最晚既無遺編之可攷又乏碩儒之可師余何人斯敢膺如此之責乎奈百辭不獲所賴淵溥君導以先路方作東施之效鑾又賴館內諸君旁搜博採調查周詳於是率爾操觚竄定其間遺漏訛謬之愆知所弗克想必懇懇而為之者勉盡厥職而已嗟乎時長白之高峯溯松江之上游轉

馳乎山明水秀之間不覺有殿於此地有殿於斯時有殿於社會進化而博雅尚待繼起也茲值志書
殺青特付剞劂

文源

得附纂修之列亦寒士之幸也爰為之序

翰
明
藏
文
源
識

安圖縣志序

志者記也所以一邑之山川地理人民政治風俗物產以及賢孝節義嘉言懿行與夫疆域之沿革城池之建置土質之肥瘠地方之治亂道德之盛衰人文之優劣莫不一一備載實事求是俾後之觀者聞風而興起見善而思齊縣志之功用豈不大且偉哉無如安圖地處邊荒設治甚晚文化未開志書闕如以山川靈秀之區物產豐美之地儼同甌脫良可慨也適省令編輯縣志館長劉君鈺堂及編輯員孔君淵潭臧君翰忱徵余任採訪兼謄錄之職潘雖不才能不歡欣鼓舞而輒勉從事耶溯自設治二十餘年之間人情之淳樸物產之豐饒儼有太古之風焉初經劉公達封設治斯土闢草萊除荆棘遷徙無商賈於是乎雲集放荒招墾農業於是乎振興誠邊僻之勝地竊劉公熱心圖治之力也嘗聞父老言及劉公設治之時皆編輯安圖縣志季吳元瑞任其事爾時草昧初開規模未定較諸今時不能無闕疑掛漏之憾惜乎劉公因事調省遺稿無傳致令今之編輯者前無可遷後無可徵徒以當時之事據其實而採其要舉其綱而張其目周諮博採鉅細靡遺屬勸懲於簡編別褒貶於記載雖不與史冊爭光亦戎縣後世之寶鑑云爾

安圖縣志序

曠觀古今四千餘年國史之著述備矣其間歷代興亡之寔迹君臣官吏之賢否其美可為鑒悲可為戒維持綱常名教於後世者胥在於此若縣之有志所以記全境之地理山川風俗物產以及人民政治鄉賢義士孝子節婦上則可以分治亂下則可以垂道德正風化激厲人情於百世者亦在於此史志之名稱雖殊其理則一縣志之編纂誠宜汲汲從事矣安圖當長白山之北麓松江之上游萬山叢翠一水環流觀其扶輿磅礴之氣仁風善政志士仁人未始不鍾於此無如地處邊陲森林未闢宣統元年劉公建封始奉令設治兩時滿目荆榛極望無際遂遷樁民戶放荒招墾勸以稼穡給以牛種民乃逐漸增多政治尚屬草創雖經歷任賢令勸構圖治智識尚未開通文化尤難普及嗚呼以山水雄壯之區域與榛莽之時代無異文獻之徵尚堪問乎民國十五年省令飭編縣志乃組織縣志編輯館縣長陳公監修委劉君鈺堂為編輯館長孔君淵澤總編輯趙君翰臣協修之金君一峯紀君樹藩張君子獻康君祝三均充採訪惟事屬初創諸多困難既無通編可攷又無旁證可參非學識兼優者將擇焉弗精詭焉弗詳欲其條分縷晰不簡不繁不彊不弱乎難哉

祥

本才疎學淺固不能文因縣志行將付梓編輯館諸君徵序於余嗚呼以祥之淺陋莫足以光志乘因思業於斯食於斯聚家族於斯者十有餘年雖欲無言其可得乎以是知志賢之懿行而後之聞其風者知勉焉志亞任之循良而後之守此

一
邦者可觀焉志忠軍義士之捨身報國而後之捐軀取義者可興焉志貞女節婦之操守而後之此身
不貳之死靡他者可景焉志教育以開文化也志田畝以定賦稅也志選舉以鼓人才也志秋官以重
職守也今古全該鉅細必舉吾邑人士未能窮以討論將見政學昌明農商發達指日可行是則邦人
士之所厚望而亦修志書者之所深幸歟

安圖縣志序

安圖處奉省之東偏居松江之上游軍事之衝地也南控長白挾圖們而界朝鮮東連延吉擁庫爾喀而毗會寧故其地對本省則居高屋建瓴之勢於國際則當折衝交涉之途是以有清季葉帥開闢草昧置官移民距今垂二十年矣然以樹木叢鬱居者恒感獨處之苦交通梗塞來者時嘆行路之難今雖日新開拓而東南一隅猶復一片荒寒故教育庶政諸大端雖應有儘有但視內地則遠遜而紫牛一邑之文化縣志一書又復缺如其間雖有一二作者然或文勝而失實或簡略而不賅前任陳公運山奉省令乃有縣志之輯聘劉君鈺望總其成孔君淵澤主其文邑內之博雅君子碩學俊士襄其事閱二歲而書成今日行將付梓矣夫縣之有志猶國之有史也國無信史則無以知治亂之由縣無詳志則無以曉施政之方故山川牘列所以明地勢之梗概也物產備舉所以知富庶之基礎也至於有一政之長否無不載懷一善之行者無不書所以使後人有觀感而取法也他若風俗人情社會習尚無不條分縷晰兼收並舉所以使他日之來長斯邑者能洞察民瘼因地制宜知施政之方也抑又有進者見此地通譯家位居要樞他族之覬覦不已吾人之施設稍忽一旦邊疆是依則地勢不諳山川不明將何以因邊國而衛吾家則是志之輯又非徒敘地理言物產而已亦所以使吾人知山川之勢國防之要有所警惕也邑之人果能詳悉安圖地位之重要則宜將是志闡其長取

其稿作為一縣之主臬其勿認為無關輕重而束諸高閣可也是為序

十二

安圖縣立初級中學校長王政鑑

安圖縣志序

聞之安圖係女真舊址俗以娘娘呼之自滿清人關後數百年來嚴令封禁是以樹林陰翳數百里渺無人烟迨至清末新有人至種樹打圍以謀衣食所用物品以俟松江結束套用車犁似車無輪利行冰雪赴吉購備爾時人情醇樸團結甚堅出入相友守望相助以享山川之樂趣儼然一小桃源也於前清宣統元年總督東三省徐公世昌奏准與西鄰撫松同年設治即派劉公建封為設治委員此為安圖設治之始公在任數年慘淡經營未遑奉調進省至民國八年張公維周來宰斯邑觀此景况深為民憂於是修城修道敷置話利交通種種善政次第舉行在任五載對於地方興軍事宜無不毅然倡辦何其天道無常遭謗撤省繼其任者為陳公鴻謨適於民國十六年因奉省令纂修縣志爰設縣志編輯館聘司紳劉君鈺堂為館長孔君淵潭暨臧君翰忱任編輯此兩君均係山左宿儒徵文考獻自易備載堪稱知人善任者矣孰意編修未竟解任歸省繼其修者為陳公國鈞不數月間而志書告成慮取讀之不覺欣感交集所感者何為此僻陋小縣而竟有優秀官紳倡辦斯志也所欣者何為吾原來斯土肩荷一囊負之無告躬逢盛也是以不計工拙乃泚筆而為之序

中華民國十七年歲次戊辰十二月 旬

安圖縣教育會會長錢程燠謹識

安國縣志序

古

安國乃女真之故址前清之發祥地也前數百年封禁山林不准廟伐是以草木叢生參祿天曰况又有山川之勝古蹟之奇異常佳景開人胸襟真乃別有天地也迨至晚清光宣年間東三省總督徐公世昌以國家靈秀之區不宜荒廢乃奏請創設縣治遂徵劉公建封為設治委員興雲生本魯籍家道銀窘負笈杭海來游斯邑迄今已十餘年矣從前之波折殆不可枚現蒙地方士紳舉為公疑主任深夜自思恐負重託祇得竭盡愚誠克盡厥職而已適於民國十六年因奉省令編修縣志本擬附於曠尾以襄盛舉奈以學陋不文以公務紛雜不得與諸君同事忝收其抱愧為何如也茲逢全書殺青故不揣謏陋僅贅數語於卷首以明永久不忘云爾

安國縣地方公疑處主任穆興雲謹識

安國縣志序

孔子刪詩書斷自唐虞肅慎其言天覆商周文不絕書高懸監馬水之經言五市還金元事有代謝以此地

考據上西之世非絕無人烟之境可斷言矣况安國今有老狼郭即樂辰之遠蹟舊屬北狄沮乃元木

之轉音有清始祖發祥天女浴躬姒美塢姜履武迄肇孫興京扶遠文正收之政蹟征納殷珠舍里諸

部時有項色納者九子獐得有加虎汪子七驕捷多力能破甲躍九牛張受調路東筆錄又有裕額楞者

亦與清為難卒被以次削平時勢強雄固未可以成敗論也世祖入關緣田交通便塞人口稀薄倚天

塹為長城保岐豐之重地留此進可以戰退可以守之區原非視同甌脫詎三百年來森林出自天然

開墾亟待人為惟中華兄弟開牆應揚我武而安邑毗連國界虎視強鄰凡今之人襁負而至者又焉

可袖手安坐任蕞游閑不踵事增輝而致力於農林墾業以圖富強也耶厚窮際縣志告成之盛事皆

微賈言以興發竟嘆今之視昔如杞宋之無徵竊幸後之視今備輶軒之可採有功於當世莫大焉書

既成將付剞劂爰泚筆而為之序

中華民國十七年歲次戊辰龍溪何純厚謹識